

րօքն իւրեանց (1) հալածեաց ի դիւահարեալ կնոջէ, քեռ անտեսին մերոյ, ի մատուռն դպրատան մեր Հոովմայ: Զարմանալի էր քահանայս այս մեծահաւատ և յոյժ խոնարհ, որ մինչեւ ցայժմ զ45 դիւահարս ազատեալ էր:

1704. ՌՃԾԳ. Սվէտքն յետ հարկանելոյ զՍաքսոնս, սկսանին զԼեհաստան հարկիւք կողոպտել. գան ի Լէօպոլիս, և զի քաղաքացիքն ոչ զհարկս կամեցան տալ և ոչ ի ներքս մտանել թոյլ ետուն, մատնութեամբ ոմանց առին զքաղաքն, սեպտեմ. 6. և իբրեւ զերիս ժամս աւար տռին. սպա զգրամս 200.000 դալերաց ի քաղաքացեացն, յարքեպիսկոպոսացն և յամենայն եկեղեցեաց բանութեամբ առին. ուստի և աթոռակալ եկեղեցին Հայոց գրազում սկիհս, զխաչս և զայլ արծաթի կահս՝ ետուն փոխանակ գրամոց: Իսկ յետ չուելոյն անտի Շվետաց՝ ժանտամահ մեծ անկաւ ի քաղաքն Լէօպոլիս, յորմէ 10.000 հոգիք կորեան. նոյն մահն և յայլ մերձաւոր տեղիս սփռեցաւ:

1736. ՌՃՁԵ. Ծանեայ զոմն (քսան ամբ են) իբր զնուիրակ, որ զսուրբ մեռոնն՝ աշխարհականաց գնահատեալ էր ի Պօչանն, և յայլ քաղաքս՝ նոքօք Պուդտանաց առաքեաց: — Բայց լուել ոչ կարեմ զանօրէն արարն Աիրակոս վարդապետին, որ երկուք ամօք յառաջ՝ ի քաղաքին, ի մէջ եկեղեցւոյն առաջի ժողովրդեանն՝ զխորհրդատետր մի ծիւծիւ արարեալ այրեաց, և կողիւքն զզլուիս քահանայի միոյ ծեծեաց: Քարշելի է ինձ զայսպիսեաց գրելն, բայց գանգաւորն ոչ տան թոյլ (1):

1. Ռոշեանն զայս դրած է ի թղթին առ Աբրահամ Գ կաթողիկոս, ի 10 մարտի, 1756: